



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

De generali postulatione,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

AD QUEM, & QUAE DE CAUSA VENIAT) vehementer, animum commovere solent. Unde & in sequentibus 7. meditationibus per singulos hebdomadae dies distriburis ( quæ paulo post hic ponentur ) illa capita peculiariter attingemus.

*S. 4. De generali postulatione.*

**P**ostrema præparatio consumitur in usu postulationis, in quo Sacerdos debet esse largissimus. Cum enim sit persona publica, debet tam pro se, quam pro alijs orare ijsque utilia ac profutura postulare. Neque est, quod repulsam aut audaciae sugillationem pertimescat. Cum enim Deo Patri offerat filium unigenitum, illi summè dilectum ac per omnia æqualem, sacrificium offert valoris infiniti, cuius pretium, nullis limitibus, terminisque concluditur. Quare non mirum, si Sacerdos pro tanto pretio, non tantum regni dimidium, sed integrum etiam regnum cœlestē, & quæ ad illud virtuosè diripiendum pertinent, postularèt. Et quamquam hæc res talis sit, ut ex cuiusque affectu ac devotione pendeat, atque ex Spiritu

Sac.

Sancti unctione potissimum habeatur, tamen pauca quædam hic subiciantur, quæ à viris hoc genere exercitatis usurpari solent: quæ tamen ne officium publicum cum aliorum tædio, nimium extrahatur, privatim potius, ac pro cuiusque opportunitate atque occasione peragenda erunt. Vir ergo quidam pius ac varijs occupationibus districtus, *nocturno tempore*, aut certè *summo mane*, postulationes suas ac gratiarum actiones Deo offerebat, omnia sua desideria ad certa quædam capita revocans ac petens.

1. Pro omnibus beneficijs quæ à puncto conceptionis suæ accepit, & in omnem æternitatem accepturus est.

3. Pro universis donis sacratissimæ Christi humanitati castissimæ Dei parenti omnibus Sanctis, tam Angelis, quam hominibus concessis.

4. Pro vocatione ad religionis vel clericatus statum, pro votis ad eius honorem emissis ac talentis, tam naturalibus quàm supernaturalibus ipsi communicatis.

5. Pro collata Sacerdotij sanctissimi, ac sublimissimi dignitate, ad quam su-

stinendam petendum, ut ornamenta omnia ad hoc necessaria conferat, præcipuè fidem, humilitatem, timorem, reverentiam, charitatem, ut tantum bonum sine fructu non transeat.

6. Pro omnibus infidelibus, Judæis, Turcis, Mauris, Hæreticis ac Schismaticis, ad fidem & unitatem convertendis.

7. Pro Ecclesia, ejusque capite, summo Pontifice, pro singulis Ecclesiæ ordinibus ac religiosis cœtibus, ut omnes verbo, & exemplo instruant, & ad bonum promoveant.

8. Pro regibus aliisque magistratibus in officio constitutis, ut quietè, tranquillè, arque ad Dei gloriam, commissam sibi rempublicam regant.

9. Pro omnibus spiritali ac corporali necessitudine coniunctis, immo pro captivis, vinctis, ægris, tentatis, tribulatis, agonizantibus, aut in alia necessitate constitutis: quin & pro inimicis ipsis, quibus Christi exemplo ignoscendum, & pro illis laborandum est.

10. Ad hæc pro animabus omnibus, in purgatorio detentis, ut Deus eis refrigerium & sedem æternæ quietis indulgeat.

II. Tibi vero non tantum peccatorum remissionem & contritionem tribuat, sed etiam mortificationem inordinatorum affectuum, simulque fidem, spem, charitatem: item Virtutes Cardinales atque appetitus tam concupiscibilis, quam irascibilis, compositionem, unã cum donis Spiritus sancti, quibus ornatus, & ei in hac vita ad extremum usque felicissimum gratus existas, & beatificæ eius visionis, quando cumque ei placuerit, tandem aliquando fruamerearis.

---

 CAPUT II.

## ANTE SACRVM.

*Meditationes septem, pro singulis Hebdomada diebus.*

## PRO DOMINICO DIE.

## DE REGE.

**Q**uis venit? Christus Rex benignus, mansuetus, non jam ad reg-